



Universitätsbibliothek Paderborn

**Floremundi Raemundi V. Cl. Olim Consiliarii Regis
Galliarvm Ex Calviniano Catholici Synopsis Omnia hujus
temporis Controversiarum tam inter Lutheranos,
Calvinistas quam alios plurimos. Sive Historia ...**

**Raemond, Florimond de
Coloniae Agrippinae, 1655**

II. Gulielmus Farellus primus apud Genevates rebellionis auctor.

urn:nbn:de:hbz:466:1-10880

educati, non semel audiverunt. Ibi Calvinus Rufo scripta sua cōmunicavit, pr̄fertim Institutiones Christianæ religionis, Enculismi conceptas atq; inchoatas; simulq; Ecclesiæ in pristinam puritatē restituendæ propositum ei aperuit, inquiens, nihil omnino sani in Catholica supereesse Ecclesia, sed verus illud ædificium planissime esse dejiciendū, ac novum instruendum. Rufus vehementer admiratus, ut ipse postea s̄pē dixit, tantam tamque senilem malitiā in animū juvenilem cadere posse, hominem ad rationem reducere conabatur, inquiens, Necessarium quidē esse ut dominus Dei purgetur, verum eam non destruendam, sed fulcierandam esse potius: quod nisi sit, tā ipsum quā quocunque alios qui hac in re aliquid centārint, ejusdem ruinis oppressum ac sepultum iri. Vidi ego schedas Rufi manu scriptas, quibus suam de Cœna sententiam exponit, longè à Calvinī opinione discrepantem: quas quidem schedas Medicus nostræ Aquitanæ non incelebris, Clericacēsis patria, Rufi sumptibus puer in scholis educatus Francisco Cādali Episcopo quondam Arrensi communicavit. Hac inter dominum & famulum contentione effictum est, ut Calvinus Ruffum Temporatoris, id est, hominis inconstans, & consilia sua temporibus accommodantis nomine traduxerit, ac librum etiam *Des Temporens*, Gallica lingua conscriperit, in quo dominum pr̄cipue venenato dente impedit. Faber quamvis in Calvinī sententiam magis quam Rufus inclinaret, hominem tamen quantū poterat retinebat, meruens ne pr̄seruidum hoc ingenium omnia misceret atq; everteret, eoq; discedenti consulebat, ut Melanchthonis tā opinio-nes quam exemplum in omnibus sequeretur. His instructus consiliis Calvinus Luretiā profectus est, sed parū tutum ibi se videns, & à rogo sibi metuens, jam tum patriæ excidium meditans, Gallia excesit, quæ ingratā scilicet, urī conqueri postea solebat, tanto homini domicilium denegare solitinebat. Argentoratum ergo profectus totum biennium Bucero operam dedit, hunc unum ap̄tissimum perturbandi Ecclesiam instrumentum sibi fore, re-ētē judicanti. Scripterat tum inter alia Bucerus librum *De carne Christi*: cuius similem nec à Lutherō nec à Zwinglio scriptum ajunt. Hunc cupide legit Calvinus, simulque Bucero Institutiones suas cōmunicavit, quas ibi ac Basileæ tandem ad umbilicum duetas, Francisco I. Galliarum Regi dedicare non dubitavit.

Quemadmodum vero Lutherus laudi ac gloriæ

sibi ducebat, quod Evangelium ab ipso prolatum multarum turbarum ac seditionum cauſa esse di- ceretur, adeoque lætitia exsultabat si populos ad mutuam lanienam videret inter se commissos; sic Calvinus ut & ipse quo Spiritu regeretur, testatū ficeret, pro symbolo primæ Institutionum editio- ni pr̄scriperat gladium undiq; flammis circum- datū, cum his verbis: *Non veni pacem mittere, sed gla- diū*. In quo neficias utrum horum uterq; magis in vaticiniis suis verus, quam in suis ipsorum opinio- nibus vanus fuerit. Dum Argeatorti desider Cal- vinus id primum operam dabat, ut eos qui pœnæ metu è Galliis profugerant, consilio & auxilio ju- varet deinde ubi in honore aliquo & hominū exi- stimatione se esse vidit, omnibus quæ in toto Ger- mania gererentur negociis immiscere se studebat. Vbi vero accepit, Ferraria Ducissam, è regio Gal- lorū sanguine ortam, veræ religionis (ita enim loquebantur) aliquem habere gustum, ad eam se conculit, omnibusq; modis suauis, ut Romanæ Ec- clesiæ valediceret, non tamen à Lutherō pr̄mon- stratam quidem, sed nondum perpurgatam semi- tam, sed quam ipse à Deo singulariter ad id voca- tus, totam jam complanaturus esset, ingredetur. Hac de re etiā in secretiori Ducissæ cubiculo ser- mones aliquot habuit, Pontis toparcha inter alios pr̄sente: nec exiguum pecuniæ sursum corra- fit, plerisque ad prisca illius scilicet Ecclesiæ ex- emplum bonorum suorum partem ad novi hujus Apostoli pedes deponentibus, quæ ille deinde in- ter exsules ac proscriptos Gallos dividebat: insi- mulatus tamen postea, quod in distribuendis qua- tuor librarum millibus, quas Margarita Navarræ regina Genevensi Ecclesiæ eleemosynæ nomine: misserat, mala fide versatus esset.

Vagationis pertusus. Calvinus Genevam se cō- tulit, ubi jam antea dum cum Tilio oberrat, in quo- rūdam notitiam se insinuarat. Ea civitas tum Sab- audiæ Duci rebellare incipiebat, Gulielmo Far- dello seditionis conatus accidente ac fovente. Hic ille est cuius supra libro II. mentionem feci, è Meldorum civitate profugus. Iudei filius, cui Ferreau nativum nomen: homo in disputationib⁹ atq; omni sermone quovis torrente vehementior, ut qui è cathedra instar Periclis alicujus, fulmi- naret. Hic pr̄cipiuus auctor fuit mutationis quæ- tum & postea Genevæ facta est, quò Basilea ejec- tus se contulerat. Calendarium Historicum à lo- hanne Gregorio & Iacobo Stoer Anno M.D.LXIX. impressum testatur, Anno M.D.XXXV. die XVII. Au- gusti,

gusti, celeberrimam civitatem Genevensem, juxta veritatis Evangelicæ præscriptum, reformari cœpisse: q̄ tamen in secunda editione omisum est, ne Calvinus qui sequenti anno demū eō venerat, hoc honore defraudaretur. Sub primum adventū Calvinus omnibus se dabant, adeo ut cauponas etiam præsertim ubi frequentes conveniente videbat, ingredieretur, ac pueros etiam, ad se colligeret, eosq; cantilenam aliquam vel rhytmos, in Ecclesiæ & Ecclesiasticorum contemptū factos doceret. Personam vero suam tam scitè egit, ut in Dominicæ S. Trinitatis vigilia quodam scētā suæ homines in templum S. Petri immiserit, à quibus mox statuæ & imagines confractæ fuerunt. Hic tamen tumultus tum sedatus est; sed quia sacrilegi illi primarias totius familias cognitione attingebant, rei facile judicio se subduxerunt, Farelli factio prævalecente. Tandem ergo hac pervagante licentia, & non Farelli tantum lectoribus, sed & Bernatibus aliisq; vicinis fomitem suggesteribus, & quod Anno M.D. XXVIII. cœptum fuerat urgentibus, tota civitas rebellavit. Factum est hoc Anno M. XXXV. ut ex sequenti patet inscriptione, quæ æneæ tabulæ ad Curiam Genevensem affixa, in sculpta visitur.

Quā Anno Domini M.D XXXV. profigata Romani Antichristi tyranni de, abrogatisq; ejus superstitiis, sacra sancta Christi religio hic in suam puritatem, Ecclesia in meliorem ordinem singulari Dei beneficio reposta, & simul pulsis fugatisque hostibus urbs ipsa in suam libertatem non sine insigni miraculo restituta fuit: senatus populusque Genevensis monumentum hoc perpetua memoria causas fieri atq; hoc loco erigere curavit quo suam erga Deum gratitudinem testatam faceret.

Vix ortis his turbis, Petrus de Baume Genevensis Episcopus, unā cum Clero urbe excessit, qui quū initio hominibus istis rerum novarum studiolis aditum non ut debuit, obstruxisset, corundem conatibus oppressus errorem, licet sero, agnovit, cum scilicet quum malo remedium afferre non posset. Ut enim prævisa jacula minus feriunt, sic incauti facile dejiciuntur ac superantur O quā multa mala ejusmodi negligentia ac segnitias invexit! Ignavi homines, quas miseras in vestra ac nostra capita non concivisti? Quod si publicæ salutis curam plane ex animo ejecisti; annon privata respectus excitat vos debuit? Verissime enim à Solone dictum est, nullam esse seram, nullum repagulum vel obicem, quo publicum malum à privataram zedium ingressu cohiberi possit. Sed ad Farellum

redeo, qui opera præcipue Perrini cujusdam utebatur, hominis factiosi, sed funestum exitum sortiti. Vr enim Augustus ad aram Iuli Cæsaris memoriae consecratam, omnes conspirationis participes quos nancisci poterat, interfici jussit: sic Perrinus iste, annidente Calvino, in ipso faxo quod olim altaris usui inservierat, Calvini vero jussu ad locum reorum suppliciis destinatum, deportatum fuerat, capite fuit truncatus. Ex aliis audivi, & in schedis quibusdam ipse legi, Perrinum ipsum lapidem hunc sacrum, in quo ante corpus Iesu Christi consecrari atque offerri consueverat, in locum illum infamem transportari curasse, ut maleficorū sanguine posthac tingeretur; nequaquam tum ratus, se primam fore victimam ad altare hoc immolandam. Perrino à Calvino criminis datum, quod ad instar Sicularum vesperarum, Gallos omnes exsules cum suæ factiois hominibus trucidare constituisse. Hoc ergo modo Genevensis civitas perdata fuit, in qua jam lōgo tempore hæresis sub Calvini vexillo triumphat: quæ olim etiam Felici V. Antipapæ, Cardinali Genevensi, pro Ecclesiæ capite se gerenti, perfugium prebuit. Eodem tempore Tiguri, quæ civitas à Geneva non longissime abest, infans natus fuit triceps, cum tribus manibus, & tribus pedibus: quod monstrum procul dubio istius ipsius de quo jam multa diximus, monstrosarium fuit ac ngura.

III. Farellus suis diffisus viribus, ad perficenda incœpta Calvinum Ferraria revertentem, in auxiliū vocavit. Is invitū se simulans, quanto magis rogabatur ut Ecclesia Domini instauradæ manum ad moveret, tanto magis tergiversabatur, alio se vocatum causatus. Quemadmodum vero rei magnopere expertæ simulata repulsa animū multo majori accedit desiderio; sic Geneveses novam Ecclesiam ac rempublicam jamdudum moliti, quanto magis Calvinus detrectabat, tanto vehementius retinere eum studebant: ut ipse dicat se invitus manere ibi coactum. Quare munus S. Scripturam interpretādi, & conciones sive exhortationes Gallia lingua faciendi sibi sumvit, à Gallis præcipue conductus, qui partim è Lugdunensi aliisque provinciis profugerant, ut ignes quos sibi accensos sciebant, vitarent; partim ut creditorum defraudationes S. Spiritus pallio velarent. Ipse Calvinus fatetur, sè Gulielmi Farelli tam consilio & exhortatione quam terribilem adjurationem, immo ab ipso Deo quasi extensa manu, Genevæ fuisse resenium. Quum enim precibus nibil proficeret